

茅山志卷之十二

師一

上清嗣宗師劉大彬述

上清品篇

二十七代宗師太中大夫疑神殿侍宸養素觀妙先生姓徐諱希和字仲和金陵溧水人祖父樂施與箕君尤為徐君所敬慕命師以侍巾烏嘗從入朝上嘉其道才清素勅統陸前承恩為道士沖隱解化奉御華嗣宗壇政和四年召詣闕及秋還山賜丹臺郎轉太素大夫疑神殿校籍宣和三年復被召內廷建別館處之四年授前職請歸故山勅有司禮送五年三月十八日降御封香入山有白鶴天燈之應每坐大靜接降仙真侍者窺之唯聞其語師預知世故常若隱憂靖康之初閉靖不食一日集徒眾曰吾仙期已迫不得見聖人治世也以建炎元年七月二十五日若坐忘長往矣

贊曰古先聖真鍊質返始往來無方聚散無體我神甚真故與之遇外戶何人欲聞其語二十八代宗師元觀先生姓蔣諱景微字通

老金陵句容人眉目秀異面有斗文十一歲侍沖隱公及聞三洞俞先生入蜀往見於峨眉俞嘉其意蓋其所學臨別謂師曰三十五代我當如阜及山嗣掌大法建炎寇起燬元符宮師獨保經錄印劔左街道錄傳希烈

聞于朝高宗賜金重建宮師復行化至京師前一夕和王楊公存中夫人趙同夢天尊降其弟明日師謁王門王大敬信今宮山門王所建者嘗數曰吾以土木事虧損仙業不得白日升靈師有白玉天尊像甚秘比至解化像亦亡去紹興十六年四月二十九日也

贊曰土木之崇時患時興我行無為彼夢有徵我我象帝玉質天粹臨化俱返執執其契

二十九代宗師崇德先生姓李諱景合字靈運句容人幼師元觀該練經法南渡之後壇席典儀缺落穎師潤色之一日遊雷平山得古劔一以獻元觀元觀曰此陶公墓中物也神物不可泄合歸之故地果得隱居墓草劔墓上須臾雷電大風驟冥明日往視其劔無

有墓上復得二青李元觀聞之曰劔去李出予當避席即奉師登壇是日虎嘯鹿鳴鸞鶴交至師好施藥人一疾安全投一錢井中積錢盈井人呼曰藥錢井所活人可知矣紹興二十年九月十五日不疾而逝葬歸其山中

贊曰神物之還雷電與俱青李何來報微神墟登藥羣疾泉流林注以無盡施待有緣者

三十代宗師增真先生諱景映字靈暉崇德宗師弟也早喪父事母至孝年四十不娶母卒從兄者黃冠崇德公曰吾昔得二李陶公墓下子來驗矣因作二李李于白李漢師至性澹泊深實慈儉一入大靜彌月不出高宗累召辭疾不起即山中賜號靖真先生紹興二十五年夏早留守詣師請兩大應守聞之朝使一再至師辭疾愈力明年為秦夫人王氏拜章知槍繫鄆都事隆興二年正月一日謂侍者曰吾將觀化矣遂閉靜危坐不食至六日午時化

贊曰太一好生法容構祠而所稱禍則不

敢私迷國當誅猶冀冥報玄獄之警亦輔名教

三十一代宗師保寧沖妙先生姓徐諱守經金陵溧水人母夢流星降其室而生十歲不能言有道人言自茅山來服其丹遂能言母迺令入山師事靖真守一抱道不求人知陸興二年嗣主壇壝朝廷累召守靖真之教確然不起每有禱禳遣使即山修事輒獲嘉應及得江陰秦先生手印劔付之退藏於密慶元元年三月九日辭衆而逝

贊曰流星之光下而為人歛精含輝忘言絕塵神丹之來道不苟授應物泊然是善玄守

三十二代宗師明教先生姓秦諱汝達字通遠江陰人家貧苦學常拾廢紙遺筆學書強記過人訪道東南名山保寧宗師闕館西洞以書致之先生來與語通夕明日以印劔奉先生登壇東望見先生眉宇若神皆服保寧公擇賢之密知人之明也紹熙二年朝廷遣使封香營金籙齋有白鶴絳雲之異賜先生

號慶元元年十月九日向容薄沈來謁比別至山橋聞鐘聲人曰秦宗師仙去沈大駭還望先生跌坐凝然體猶溫澤因歎曰相逢茶已罷一笑便昇仙入室弟子邢汝嘉時在京為太一官高士左街道錄是日還山奉勅嗣教

贊曰仙學所能非人間書示假素何妨素餘幾動於微我感以虛謂我預知孰究玄樞

三十三代宗師真應先生姓邢諱汝嘉字子嘉建康溧水人七歲能綴文善談名理身長七尺手垂過膝孝宗召為御前高士師蚤年寡髮不勝冠特賜巾屨上殿弄御製詩曰朕親命製華陽巾賜與茅山得道人戴此不妨朝玉陛免教五嶽受埃塵慶元元年十月三日得秦宗師書曰吾近得真誥將有回車之期宗教甚重子可速請勅歸領印劔期以九日至山奏聞上深異之勅送還山為嗣宗師重建藏室獲施與金帛數萬計謂門人曰吾非好此明年將歲大饑矣嘉定二年三月二

十二日不疾而化是歲秋歉甚衆賴以安有餘濟困頓者活人無算其存心如此

贊曰於皇阜陵躬勳孝理爰尚清靜詢于真士手製華巾俾卻冠屨噉克稱茲玉立長身

三十四代宗師沖玄明一先生姓薛諱汝積字德夫常州晉陵人性簡儉學周易老莊與真應先生意甚相得真應以高士主祠尚方音聞不相涉二十餘年後卒為師友傳其道統嘉定六年癸酉地臘日寧宗皇后楊氏用明肅太后故事命左街鑿義上官德欽齋香幣受大洞畢法遠禮先生為度師修羅天醮甘露降靈芝生白鶴絳雲嘉瑞非一高士劉先覺撰傳錄記七年十二月十八日解真先生初名克昭字明夫及傳華陽之學更前名著其世德之由起也

贊曰發書啓玄託易著明出日入月道正不傾瑞露密降芝英自生白鶴起飛遠超太清

三十五代宗師通靈至道先生姓任諱元阜

字山甫溧水人幼負奇質察理幽深神貌超然綽有仙氣薛宗師夢童子揭其坐席曰俞先生來子慎避席俞即元觀藉公峨眉山見之有三十五代如阜之語蓋蜀中仙去數十年薛公嘗聞斯語矣及師入山薛公曰華陽

再來客也即授以玉書學者駢踵而至嘉定十六年滄兩寧宗召至闕修大醮師勅水至坤隅向良戶躡罡若有禁勅上亦先夢其地有妖異人所不知也因賜號通靈明年復召

檮雨加至道賜象簡冠帔皇后賜之純扇親書特賜妙相真人于上其他賜予悉散貧者上益加敬嘉熙三年三月十八日建齋罷白

衆曰吾將佐司命君理忠孝之任宜珍重焉儵然而逝壽六十四

贊曰孰謂仙真遺世去之受職于天忠孝是司地道無成合章為美俾揚皇風是用錫爾

三十六代宗師明微先生姓鮑諱志真字淳夫溧水人家業儒而貧父道中得遺金有遠吏泣至問所遺即歸之夕夢羽人謂父曰汝

有陰德生子當仙父母以歲疫命入山受道是年疫惟鮑氏一門免焉趙葵開闢東方請師煎拔除城戰歿之士羽童鸞鶴見於雲中葵深敬異之復於義家獲南嶽景震劔淳祐三年上表解職居陪真館日誦太丘隱書

十一年辛亥其四月十七日辭一先生解真之日也燒香作禮召大衆曰我當從祖師去矣是夕蛻去

贊曰千萬之一人保純德萬億之一純德之極純極而仙人化而遷父不捨遺仙許子為

三十七代宗師靈寶先生姓湯諱志道鎮江丹陽人讀書負奇氣髻髻跣足坐大茅山頂三十年誓不出山趙善湘帥金陵訪山中高道一見奇之使禮明微宗師始聞大道之要

淳祐三年傳印劔五年秋大旱召赴闕禱雨師曰雨不須禱上曰亢旱奈何師曰臣聞民者天之赤子陛下憂民若此雨當旋至臣行不足格天臣心有足知天是夕果雨上大悅

民舉手曰湯仙雨召住太一宮力辭還山賜

奏特厚十一年四月上表退席寶祐六年正月三日說偈有云笑入寥天一迥一笑辭世贊曰冠中蒙衣人飾其外我髮以游返質非怪桑林之憂釋以甘露而不自神曰天所派

三十八代宗師沖妙先生姓蔣諱宗瑛字大玉毗陵人幼習舉子業長游四方居越之金庭山二年嘗於石壁間得登真隱訣一書私

甚異之遂挾書來華陽從湯先生游一昔夢天門開見游玉海仙人五字明日傳度登壇因以為號朝廷行郊祀禮久兩召詣闕禱

大齋理宗賜御書上清宗壇聖德仁祐之殿景福萬年之殿九三勝賜錢十萬繕繕修宮宇還山累表乞謝事不允開慶改元託疾游

廬山遇邪渚之亂迺過天目山往來未嘉山水間註大洞玉經十六卷上聞其高尚不可回而法主之任不可缺遂勅高士景元範代

之大元至元十八年世祖皇帝降特詔便安就道不得辭比至燕都六月二十七日無疾化弟子奉冠履歸葬藏真之山

贊曰得書石室古仙所留具釋隱言以鎮
丹丘天門廣開羣真畢來匪夢伊真萬方
其新

三十九代宗師架巖先生姓景諱元範字仲
模句曲人幼依任宗師為侍者脩髯廣額如

古列仙生平不知酒肉味嘉熙間從任公詣

都出住建康天慶觀開慶改元召為龍翔宮

高士歷左右街鑿義未幾勅充上清宗師理

宗后謝氏如先朝故事專以師禮受大洞畢

法其詞略曰為天下母敬持坤順之符導道

中師庸受順真之錄時師以元陽觀為外靖

居焉景定壬戌十二月二十五日化

贊曰偉乎架巖普遺世塵食地徇形寔滯

昇真處高非危守潔非介飛步神京接軌

玉海

四十代宗師元靜先生姓劉諱宗祖深水人

師事玉海蔣公公弟子數十輩師年獨幼卑

順自牧冥心道域實祐聞從蔣公造朝復從

游廬山宿紫極宮夜聞呼茅山道士曰天王

校錄洞中劉子可歸矣師心怪之明日別蔣

公去至金陵父卒終喪還句曲一夕芝生

滿山悒悒不樂人問之終不言明年北兵破

四川朝廷累徵不起深晦其道以終天年

贊曰世運向微海將塵飛仙人知幾暫至

遯歸山靈夜呼芝英晝暎我保玉書以請

民命

四十一代宗師一空真妙先生姓王諱志心

金壇人棄家學道師元符知宮湯元載唯上

清宗壇主其法者世以甲乙次蓋自靜一先

生始時聞慶宦者董宋臣私於發之道士朱

知常挈印劍於赤松宮師詣闕上言暴其惡

詔如舊次勅取印劍還山眾推登壇揮手謝

之寒暑一衲而已每疑坐而起兩袖常拂火

光咸淳癸酉九月二日說偈解去大衆追禮

為復正宗師以補系代之失

贊曰道之所傳天且弗違孰睥睨之聞以

人為苟可聞者斯非其道告示真士善守

神保

四十二代宗師觀妙先生姓翟諱志穎字同

叔丹陽人年十三入華陽洞之西便門遇道

士坐石上指石壁題名謂師曰汝姓名在宗
師之列因顧石壁失其人及長果嗣法主之
任清容慈儉唯道是從始自永嘉迎玉海度
師還山北兵乙亥歲下江南明年丙子化去
時至元十三年六月二十四日也

贊曰華陽之洞壁以玄瓊千歲一開列見

仙名仙之為道有化無迹人躬火傳我返

真極

四十三代宗師疑和宣靜真應法師姓許諱

道把字祖禹句容人上清仙侯之裔也宋端

平三年丙申十二月二十七日生幼事蔣度

師性行方矢不輕然諾國初兵革之餘歲旱

饑疫淮邦惟甚時省治在維揚省臣避堂請

師至禱雨足而疾已遂給驛救送于朝世祖

以臂疾召見大都香殿令試以法愈復命祈

雪止風皆奇驗賜寶冠法服降璽書大護其

教佩印南還三茅山悉統隸之至元二十八

年二月三日微示疾握固促召王君道孟授

之經法謝別而逝壽五十六

贊曰上清之宗世以賢受景運肇新仙裔

迺復虛和喻精保衛聖躬翼以星斗導之
雷風

四十四代宗師養素通真明教真人姓王諱
道孟字牧齋句容人方面豐願容止莊厲年
十四師事元符道士沈宗紹不飾偽而行益

高不求譽而名愈出未四十人以先輩屬焉
比嗣教朝京師蒙恩數一如許先生大德戊
戌歲餓兩至維揚驅蝗請雨大驗特賜號稱

真人行業見翰林直學士元明善所撰華陽
道院碑文至大辛亥請老而傳迺命入室弟
子劉大彬襲其教年七十有三蛻于華陽

宋寶祐壬寅生人
贊曰養素以朴通真以誠內接玄同外佐
昇平蜚蜚伏藏年穀成遂少見其微已足
名世

四十五代宗師^{師一}洞觀行妙玄應真人姓劉名
大彬號王虛子吳郡錢唐人延祐四年得九
老仙都君玉印有司聞于朝仁宗皇帝特旨

還賜宗壇以傳道統
贊曰山嶽昂藏湖海浩湯玄微備至植宗

華陽承允紫闈敷貺朱方九老都君錫爾
寶章

茅山志卷之十二



茅山志卷之十三^{十四}

仙曹署篇

上清嗣宗師劉大彬造

華陽洞天三官五府曰易遷宮舍真宮蕭間

官曰太元府定錄府保命府童初府靈虛府

其太元定錄保命為三茅君所治易遷舍真

則女子成道者居之餘官府皆男真也保命

間用女官東海青童君一年再游校此諸官

觀見羣輩

前司三官保命真人

郭四朝真人燕國人也兄弟四人秦時居伏

龍之地並得道四朝是長兄真法其司三官

者六百年無違坐超遷之四朝職滿上補九

官左仙公領玉臺執蓋郎中間久缺無人後

以茅小君代四朝耳

定錄府左右理中監

定錄官僚有左右理中監準世長史司馬職

又有北河司命主水官考此三職常領九官

禁保侯職主領應為種民者洞官自二君而

下便次此三職為大矣